

沁源縣志

卷一

續修沁源縣志序



志之修也以備採風以翼
國史也古者職方氏掌九
有之圖籍貢之天子天子
輶軒而採之俾十五國風
尚其奢儉貞貞淫無不瞭如

指掌燦若列眉沁源爲三
晉名區粵稽分野則居畢
崑之間載考方輿實在弁
冀之地舊無志也自明萬
戊申始我

朝康熙辛亥前令汪公編輯補

次脫藁而未及梓癸巳而
州韓公博採續入補偏救
弊辭約而該既存舍之得
宜復門類之明晰付諸粵
梨志始告竣然抵今又一
十七載矣其間天地之盈

虛人物風俗之良樸田賦
戶口之消長職官古跡藝
文之增減妍媸得無有異
於前乎莫爲之繼雖盛弗
傳其何以紹往開來正人
心益治平而扶風教也哉

歲甲辰余謬膺茲土竊見
賢人君子咏歌風雅而里
巷編氓亦近樸實不禁喟
然嘆興謂陶唐氏之遺韻
猶有存焉急欲取邑志之
未備者而纂續之祇緣簿
書鞅掌碌碌七秋茲民安
物阜政簡庭閒恭逢我

皇上湛恩汪濊叠免田租

丹詔輝煌頻求隱逸復

特命直省各纂通志檄取縣志
因慨然曰是余之志也夫

是余之志也夫雖不敏不
獲繼前令起而任修明之
責寧日覩殘缺而不爲之
補葺乎故不恤物議於當
前不畏口寔於去後與邑
中間望素著學行公正諸

君子博訪輿論分門較類
共襄厥成至於刪繁就簡
各從其例而續以新裁則
又竊取之義也夫而後斯
可以備採風翼國史庶幾
永垂不朽與抑余於是更

有感焉風俗之有美惡也
起於人心人心之有邪正
也由於教化若夫漸仁摩
義禮陶樂淑進一方於熙
皞之休登斯民於仁壽之
域竊有志而未逮端賴後
之良司牧者

皆

雍正八年歲次庚戌孟冬
穀旦

欽授文林郎知沁源縣事加一
級紀錄二次又紀錄一次

壬午科舉人渝江王廷掄

撰



心源縣志

卷之一

王序

六

重修沁源縣志

志之關乎政治者最鉅前
令王公汪公詳哉其言之
矣余渡河贅舊志成於王
公手止於明萬 戊申中
隔六十餘歲至

今二上龍飛六年汪公從而補葺
之抄錄未刻迄今又四十
餘年矣苟不從而重訂付
梓誠恐殘缺者愈遠愈微
而抄本零落更無憑考稽
則沁志之成何日之有余

以四十七年承乏茲邑郎
有志於增修彙簿書碌碌
而遲之歲壬辰蒙我

皇上下沛恩膏錢糧盡行蠲免
民生樂業官有餘閒爰取
兩君舊志并州志反復研

窮折衷舊志博採見聞叅
合輿論遙遙百年考核其
最真切者續入前志疑則
闕焉惟是職官選舉舊志
逐段分叙觀者茫然特做
史記年表遺意按年彙註

一見了了且後此遍增亦
易田賦志頭緒甚繁悉刪
之以就明簡藝文惟取關
於民社者存之其餘摭懷
酬贈概從裁汰志分十卷
其間有位置失宜記述未

確者悉加改定事增而文
約雖耳目狹隘文采弗彰
而絕無附會緣飾之病亦
庶幾可成信史矣但志書
之修遠難而近易今規模
具在有宜增者卽增之隨

得隨增隨增隨刻是所望
於後之君子

康熙五十二年歲次癸巳

穀旦

賜進士出身文林郎知沁源縣
事辛卯癸巳文武兩科山

沁源縣志

韓序

四

西鄉試同考試官加一級

通州韓瑛撰



序

邑侯

韓老夫子修縣志成理宜有言以
序其後噫傑何人斯而泣晏三
都哉第思志與史相表裏凡則
壤之肥瘠儲備之盈虛生齒之
多寡人品之妍媸物力之難易

沁源縣志
李序

政刑兵農禮樂文章曰革損益
之故考古宜今移風易俗上以
備

天子之宸鑑而下以資太史之採風
俱於此藉非若文士之立一說
著一書揆藻揚華而無關於實
用也沁舊無志也志始於明萬

戊申大令天水王公歷我朝康熙辛亥錢江汪公乃重治之然亦脫稿而已鏤策未逮也夫自辛亥迄今四十有二載此四十二載中保無有躔次分野畢漲而災崇者乎保無有關扼藩籬陵遷而谷變者乎保無有戶

口征徭版空而茗嘆者乎保無有城濠康庾淤塞而傾圮者乎且官師之不著何以督秀良也鄉賢名宦之不彰何以誌景企也理學文章之不傳何以勵實修也義士賢媛之不表何以挽頽風也繼此而壇壝而市鎮而

琳宮梵宇某水某邱俱付之荒
煙蔓草之中海學士大夫之差
也淮南子云成事之功在於時
成功之時在於人言乎時可待
而人不可待爾戎子秋我

夫子來守是邦斯時賦逋民困催
科棘手方期持晉州男子之筐

上南陽孤兒之書又奚暇詹詹
錡錡於紙上之空談哉卯辰之
交

聖天子久道化成殊恩疊沛科目有
彌廣之條田租有蠲免之詔我
夫子進邑之耆碩而言曰吾輩何
幸而際此時哉民樂利而士詩

書補綴遺編大肆觀覽正此時也諸君子曷取邑志而葺之衆且驚且喜作而曰志猶史也必董南之直筆班范之宏才乃嘉賴焉採訪校錄職所應爾珥筆總裁非君侯孰克勝任而愉快乎我

夫子謙之三衆懇之三由是會同訂期龜從筮從紳士從乃取王汪原本扁公署而搦管焉越數月藁成以示分校諸同事捧讀之下見其去取謹嚴增刪各當參酌二公之議論而奪以義理考真僞辨是非不徇人不執已

出封域以及藝文博而不泛約
而不遺條分縷晰綱舉目張視
涑水之單紀合紀紫陽之大書
特書後先如出一手大作家隸
卒楊馬衙官諸掾於此可窺一
斑異日者晉秩樞府參贊

密勿承明著作之堂訂定二十二部

而運以二百四十二年正法眼
藏又豈出三傳下哉惟其然於
是乎書

辛卯科舉人候補內閣撰文中
書受業李傑選頓首識



沁源縣舊志序

古者國必有史以紀時事今郡邑之志卽其遺意也是志者先王所重以辨方繫世徵往貽來而立極資治焉者夫豈容於弗輯哉沁源自明興以來二百餘年並未有志諸如建置沿革疆域廣狹山川名勝戶口增損俗尚淳漓以致人物盛衰仕隱淑慝賢哲墓祠利病興除之類欲考無徵謂非一邑之闕典乎萬歷丁未夏杪余承乏來官是邑首念斯文竊有志而未遑也甫

沁源縣志

王序

一

踰年歲值戊申會當事者爲纂修全晉通志檄取縣志余乃詢於邑中諸朋咸曰往昔邑侯方公李公禮請邑人饒令李君守真暨雄令崔君嵩相繼筆纂崇方則畧而未備李頗詳而未粹余於是復丁寧二君再加檢閱鋟梓以傳不兩月厥工告成分爲二卷統之十目析有若干條義例精審煩簡合度論叙多徵勅之詞政教貽官師之則旌善雖微必錄否則卽有變而必捐方諸古史似不多讓也二君之用意其深矣哉